

〔百練抄高倉〕嘉應二年十月廿七日、西方有赤氣、十二月廿七日四箇條仗議。○中諸道勘申赤氣事、
承安元年正月廿二日、南方有赤光、其勢如車輪、

治承元年十一月廿三日、近日有赤氣、

〔吾妻鏡九〕文治五年三月卅日壬申、白氣經天、貫北斗鬼星、長五丈餘云云、

〔吾妻鏡脫漏〕嘉祿三年元安貞七月十九日丙申、風雨雷鳴甚、亥刻聊屬晴、自西山赤氣立及半天、其色

赤白、西黑雲隱、東映明月、而或明或隱、少時而消畢、至曉更又甚雨、廿八日乙巳、後藤左衛門尉基綱

爲奉行、陰陽輩召集御所、天變之事被尋下之處、泰貞宣賢、非白虹之由申之、親職晴賢、爲白虹之旨言

上云云、廿九日丙午、親職晴賢等、白虹勘文捧之、後藤左衛門尉基綱付之畢、

〔吾妻鏡三十三〕曆仁二年元延應四月廿三日壬戌、天霽、戌刻乾方有妖氣、光芒異、長八尺、廣一尺、色白

赤雖、無本星、其光映天如野火、御所中上下見怪之、經一時消訖、廿六日乙丑、光之妖氣出見、軸星有

無及天相論云云、

〔吾妻鏡三十四〕仁治二年二月四日壬戌、戌刻白赤氣三條出現、件變消、其東傍赤氣又出現、長七尺、彼

變滅、猶西傍赤氣一條出現、四尺、觀之恠之、泰貞朝臣最前馳參御所申云、此變爲彗星形、異名火柱也、

村上御宇康保年中出現、同變云云、次晴賢廣資等參上、晴賢申云、今夜依陰雲、諸星不分明之上者、非

可窺得彗星之類、且又無軸星、旁有不審、以晴天之時可伺定云云、廣資同泰貞之說、仍各聊雖、及相論

猶不一決云云、十六日甲戌、去四日天變事、依仰前武州召聚天文道之輩、令尋問給、前武州祇候持

佛堂廣庇、太宰少貳爲佐、出羽前司行義、加賀民部大夫康持等、在其座、泰貞晴賢、資俊國繼、廣資等參

入、被尋仰云、去四日赤氣事、可相尋實否之旨、所被仰下也、各可注進所存、就其可問、答是非者、面々注

進之、泰貞狀云、依陰雲、分明不窺究之、但可被處、天變者、火柱之形歟者、晴賢狀云、推古天皇廿八年、并

天慶二年、元永五年、有赤氣、彼三箇度赤氣已同、今度氣、但有野火疑等云云、此條不見伺彼所々之間、